

Guangjshih Minzcuz Bau

ganhhau: CN45-0036 B.2018 Nd.9 Ng.19 liggaeuq fouhswt nienz ndwenbet cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3342期

Dunghlanz Haenqrengz Guh “Singz Vuenyungz” Minzcuz Doxgiet Cinbu

东兰努力建设民族团结进步“幸福城”

Dunghlanz Yenveij、Yen Cwngfuj haenqrengz cukmaenh caeuq hwngfat gij sevei cuji minzcuz gvanhaeh bingzdwngj、doxgiet、doxbang、huzndei neix, rengzrwd coicaenh gak minzcuz huzndei caemhyouq、doengzcae hwngfat, hawj Dunghlanz gwzming laujgih ndaej swnggaep baenz “singz iq vuenyungz” ranghdieg Dahraemxhoengz.

Yawjnaek minzswng, gajnde saedceij vunz lai laujgih. Doengh bi neix daeuj, aen yienh neix daw cienzngaenz cuengqhaeuj hanghmoeg saedceij vunz lai bae, gonqlaeng guh le Bazginz、Gozcingh、Dunghlij daengj vwnzva gvangjangz, guh ndei giekdaj sezsih cungh siuj hagdangz, ra ngaenz bangbouj hong son'gyauq, hawj lwgnyez ranz gungzhoj ndaej doegsaw caez; sinhnungzhoz guhfaenhlwd lien-daemh haj bi baiz youq baihnaj Hozciz Si. Youq daengx gih sien ndaej saedyienh “mbanjmbanj doeng roen suiyniz” moegbiu; guh ndei hong

ranzhaz ranz gungzhoj gaj guh、dengcai dauq guh、ranzvaih boux youhfuj gajguh baenz 2 fanh ranz, hawj vunz lai habhoz habsim.

Haenqrengz gunggeng, coicaenh laujgih huzndei hwngfat. Aen yienh neix gyarengz hwngfat hongsaeh saek-heu ruzgungz, cobouh guhbaenz “seizdinj ndaej demsou, seiznanz ndaej baenz fouq” 10 daih hongsaeh ruzgungz, youq daengx yienh 147 aen hingzcwng cunh hengzguh aen hanghmoeg cizdij ginghci dajciengx gaeqnohndaem; batgak、maklaeq、makcaz-youz、hojmaz、mouduenhndaem、bitraiz、duszbya Dahraemxhoengz daengj hongsaeh daegsaek hwngfat hoenghhwd, “mbanjranz maklaeq Cungguek” “mbanjranz gaeqnohndaem Cungguek” mingzdaeuz cienz doh gwnzbiengz.

Minzcuz doxgiet, “sam aen liz mbouj ndaej” vunzvunz roxyiuj. Aen yienh neix haenqrengz guh ndei minzcuz doxgiet cinbu senhconz

gyauyuz, gangj ndei gij gojgaeq minzcuz doxgiet, cauxbanh le lanzmoeq densi Vahcuengh, moix aen singgeiz boq-cuengq 《Saehmoq Vahcuengh Dunghlanz》《Comzlnh Gojgaeq Vahcuengh Dunghlanz》《Vahcuengh Lwnh Dunghlanz》daengj cietmoeg, aeu Fwen-cuengh、siujbinj、siengswng daengj hingzsik, baijyienh gij yienghndei cingsaenz Bouxcuengh Dunghlanz, vunz lai cungj gig haenggyaez; moix bi cungj cujciiz guh aen hozdung “ndwen senhconz minzcuz doxgiet cinbu”, “seizdaih moq fwen Guengjsae Gyangjisizoj” youq Gamj Lezningz venjbaiz gangjlwnh. Roengzngaenz coih ndei dieggoek son'gyauq saeknding nyuenz miz haenx, hwnj moq le Veiz Bazginz Ginen' gvanj caeuq diegsuen vwnzva yinghyungz Mbanjcuengh, baenz le “dieggoek son'gyauq minzcuz doxgiet cinbu daengx guk”.

(Veiz Swng'yang)



Yungzsuij:

Lwgmanh “Senjlengi” Hoh Fungsou

融水:辣椒“选美”庆丰收

9 nyied 16 hauh, Yungzsuij Myauzcuz Swciyen Ganjdung Yangh Vahmah Myauzcaih banh le lwgmanh “senjlengi” doxdax hozdung, 60 lai boux mehmbwk Myauzcuz rap gij lwgmanh ndaw ranz bonjfaenh ndaem haenx bae beij raez、beij rang、beij manh daengj “senjlengi” doxdax, angqhoh fungsou. Bineix gvaqdaej, aen mbanj neix aeu yienghvunq “dangjyenz + hozcozse + ranz gungzhoj”, ndaem lwgmanh 300 lai moux, daengx bi canjciiz 210 lai fanh maenz, moix ranz demsou 5000 maenz. Ndaew doz dwg vunzmbanj cingq cug lwgmanh.

(Lungz Linzci/龙林智 ingj)

Bingzgvei Gih Aeu Beizyin Dinfwngz Coicaenh Dieg Yauzdoj Demsou

平桂区强化技能培训促进土瑶地区增收

Bineix 8 nyied faenh gvaqdaej, Hocouh Si Bingzgvei Gih doenggvaq guh Yauzsiuq daemjroek、cazfaengx cugguh、dukfaexcuk dajsan daengj baenzdauq ban beizyin ginwngz, aeu cungj hingzsik ruzgungz ginwngz doxdax, coicaenh dieg Yauzdoj hongsaeh hwngfat, demlai ranz gungzhoj souhaeuj.

8 nyied daej, Bingzgvei Gih couh dingh ok Yauzdoj dukfaexcuk dajsan、Yauzsiuq daemjroek、cazfaengx cugguh、laeujgimndaem siuguh、hongfwngz guh Cazyauz、baijyienj guhcaz caeuq vwnzyi biujyienj daengj ginwngz doxdax

hanghmoeg. Vih heuhcomz gyoengq vunz lai Yauzdoj camgya doxdax, minzcunghveij aen gih neix lienzhab gohgigiz cingj le conhyez gisuz yinzyenz bae daengz gij mbanj Yauzdoj comz-youq haenx hemqheuh caeuq guh gisuz beizyin, faen geiz doiq 7 aen mbanj Yauzdoj camgya doxdax haenx naj doiq naj、fwngz gaem fwngz dwk beizyin. Mboengqneix gaenq guhsat le dajsan、Yauzsiuq daemjroek、cug cazfaengx、guh laeujgimndaem beizyin. Ndaewde Yauzsiuq gaenq raen mizyauq, 9 nyied co Guengjsae Gosanhyaugyah Vwnzva Gunghshw fatcuengq daengz Ngozdangz

Cin Damingz Cunh 500 mbaw mbaw-siuq caeuq 100 dauq buhvaq Yauzdoj, ndaej miz 7000 lai maenz ngaenz souhaeuj, Ngozdangz Cin Mingzmeiz Cunh、Sahdenz Cin Ginhcuz Cunh caemh yaek ciep aeu mbanj mbawsuiq dinghdan ma guh. Seizneix, aen gih neix lij laebdaeb cagaenj guh ndei ciennieb beizyin hongfwngz Cazyauz、dinfwngz guhcaz daengj beizyin hanghmoeg, caemhcai doiq gij hanghmoeg beizyin gvaq haenx cukmaenh caeuq bang ra hong guh, hawj beizyin ndaej caensaed mizyauq, vunz lai demsou.

(Vangz Ligenh/黄丽娟)

SIUSIK DINJ

简讯

● 9 nyied 11 hauh, Cungzcoj Si Gyanghcouh Gih Minzcunghgiz daengz Banhleih Siujyoz banh Bouxcuengh canghfwen iq beizyinbanh, cingj fwen-vuengz ndaw si Veiz Cilenz son hagseng ciengq go Vahcuengh “Go Gingq-hek”、“Go Soengqhek” caeuq “gou dwg canghfwen iq Bouxcuengh” daengj. Gyoengq siuj hagseng doiq hozdung gig mizyinx, gungh miz 70 lai boux camgya beizyin.

(Veiz Veigenh/韦慧娟)

● Cauhbingz Yen ca ndei hongsaeh mbawcaz doihaeuj cingcinj ruzgungz, doenggvaq baenz doengh lienzbenq dajndaem, ciuq biucinj saeqsim guenjieix, caenh dwk bwnhranz mbouj byoqyw, hawj suencaz hwngfat ndaej vaiq youh ndei, seizneix daengx yienh miz suencaz 21.5 fanh moux, bi' gvaq cungjcanj-lieng 1.16 fanh dun, souhaeuj 12.68 ik maenz, hawj vunz lai diegbya ndaej demsou.

(Liuz Feih)

● Lungzswng Gak Cuz Swciyen Lozgyangh Yangh doengh bi neix daeuj gyarengz hwngfat hongsaeh ndaemganq makgam, daengx yangh ndaem gak cungj makgam 13000 lai moux, bi souhaeuj 7000 fanh maenz, hawj vunz lai dangdieg ndaej demsou. Mboengqneix vunz lai nyaengqnyat dwk mbaetsou makgam baenz caeux gai ok rog yienh bae.

(Vuz Swngbhinh)

● 9 nyied 14 hauh, youq capmbanj cijdaujyenz yien sienq dap giuz lajde, gyoengq ganbu Liujcouh Si Vanzging Veiswng Gvanjlijcu bae daengz Liujcwngz Yen Douzdangz Cunh, ok gij gyaqcienz bengz gvaq gyaqcienz gwnzhaw 2 maenz/goenggaen haenx soucawx gij haeuxsan youhciz ndaw mbanj doxngaueu bangruz haenx gungh 15 dun, hawj cunh cizdij ginghci aen mbanj neix cigciep demlai souhaeuj 3 fanh maenz.

(Dwng Gwzyi)